



WWW.sibermerdeka.com.my T4

Rangkap 1: Penyajak telah membuat perancangan pada dirinya, iaitu untuk keluar daripada keadaan kesusahan hidupnya. Dia perlu menghadapi pelbagai cabaran yang mendatang.

Rangkap 2: Penyajak tidak mahu pemikirannya terkongkong sebaliknya akan memikirkan perihal susah senang bagi mengelakkan dirinya daripada dipermain-mainkan.

Rangkap 3: Banyak dugaan dan cabaran yang perlu ditempuh oleh penyajak dalam kehidupan. Kesemuanya itu untuk menguji keimanannya.

Rangkap 4: Dalam keadaan berhati-hati, penyajak terpedaya juga oleh tipu muslihat yang begitu licik. Penyajak bernasib baik kerana cepat sedar akan tipu muslihat tersebut.

Rangkap 5: Penyajak telah mempersiapkan dirinya jika berhadapan dengan sesuatu masalah. Dia juga perlu berani menghadapi sesuatu yang tidak dijangka akan terjadi dalam kehidupannya.

Rangkap 6: Penyajak tidak lagi berasa takut oleh halangan dan rintangan yang memburuk-burukkannya.

Rangkap 7: Sekiranya terdapat sebarang masalah yang timbul, penyajak akan mengambil pendekatan yang terbaik bagi menanganinya. Penyajak memiliki pendirian tersendiri dan tidak akan mengulangi kesilapan yang telah dilakukan sebelum ini.

Rangkap 8: Banyak peristiwa pahit manis telah ditempuh oleh penyajak sepanjang kehidupannya. Dalam usia yang sudah meningkat tua, penyajak mengingatkan dirinya agar tidak lagi mempersia-siakan kehidupan sebaliknya mengisi masa tersebut untuk menambahkan amal ibadat kepada Tuhan.

Tema

Tema sajak ini ialah ketabahan seorang insan untuk mendepani dugaan hidup. Hal yang demikian kerana penyajak pernah terpedaya oleh tipu muslihat yang licik tetapi sabar menghadapinya. Selain itu, penyajak juga tabah menghadapi segala dugaan dalam hidup dan berjanji untuk tidak mengulangi kesilapan yang pernah dilakukannya.

Persoalan

1. Perlunya perancangan dan persediaan untuk mengharungi cabaran hidup.
2. Kehidupan ini penuh dengan tipu muslihat dan pancaroba.
3. Keinginan untuk tidak mengulangi kesilapan.
4. Keinsafan untuk membaiki sisa-sisa kehidupan.
5. Kekuatan diri dalam melawan musuh.

Nilai

1. Nilai rasional. Contohnya, penyajak mempunyai perancangan agar hidupnya tidak susah lagi.
2. Nilai kebebasan. Contohnya, penyajak tidak mahu kehidupannya dipermain-mainkan.
3. Nilai kebijaksanaan. Contohnya, penyajak akan berhujah dengan dirinya sebelum membuat sesuatu keputusan.
4. Nilai keinsafan. Contohnya, penyajak tidak akan mengulangi kesilapan yang telah dilakukan sebelum ini.

Pengajaran

1. Kita hendaklah rasional dalam mengambil sesuatu tindakan.
2. Kita perlulah berfikir semasa masak-masaknya sebelum mengambil sesuatu keputusan.
3. Kita hendaklah insaf akan kesalahan yang telah kita lakukan sebelum ini.
4. Kita perlulah berwaspada akan tipu muslihat pihak lawan.